

Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Družbicki, Kaspar

Ingolstadii, 1732

VD18 90066405

63. Considerando Passionem Domini, tributum pro ea Deo Patri, & Christo
Domino persolvere.

urn:nbn:de:hbz:466:1-45427

MODUS LXIII.

Modus sexagesimus tertius meditandi Passio-
nem Domini Nostri esse potest: ita Passio-
nem Dominicam recogitando meditandoque
decurrere, ut Deo Patri tanquam Principali Re-
demptionis nostræ, per Passionem Christi Au-
thori, pro eadem Passione, eâdem ipsâ Passione

*Aloysius No- tributum dependamus. Dabo explicationem
varinus lib.de hujus meditandi modi, ipsumque adeò modum,
Tributo Di- ex probatissimo scriptore, tametsi non ad ver-
vino §. 31.32. sive, Tributo bum ex eodesumptum.*

15.

Debitores sumus Deo nostro Patri Æterno,
tributi compassionis pro Passione, quam pro no-
bis pertulit unigenitus ejus, & Dominus Noster
JESus Christus. In qua compassione, minimè
nos esse parcus convénit, quando & Dominus
noster JESus Christus in sua pro nobis Passionē
minimè parcus, summè autem liberalis fuit: idque
à primo conceptionis suæ instanti, usque per to-
tam vitam suam: propter quod etiam gratitudi-
nis nomine debemus illi hunc compassionis affec-
tum, sive tributum, toto quo possumus cordis
affectu illum exercendo.

1. Ac primò colligemus in unum omnes actus,
sive Compassionis, sive Gratiarum actionis, quos
cunque unquam aliquæ creaturæ persolverunt
Deo, præsertim pro Redemptionis suæ, Passio-
nisque Christi beneficio, atque omnes hos a-
ctus, affectusque quanti quanti sunt, denuo
Deo in tributum offeramus, quantumvis alias
dudum eidem oblatos.

2. Secundò. Desideremus habere & exercere
talem compassionis affectum, qui sit par Christi

Passio-

Passioni, nostræ pro illa erga ipsum obligationi; quem quia in effectu habere non possumus, saltem in desiderio illum habere studeamus.

Tertiò. Studeamus amplius semper cognoscere atque exercere oblationem illam vitæ ac Passionis Christi, ejusque modum, quem ipse Dominus JESUS tenuit in offerendo semetipso Passioni, & idem ejusdem desiderium & amorem, quo partim Passus est, partim pati amavit, & opravit.

Quartò. Consuescamus Passionem Domini repræsentare in omnibus (quoad repræsentari potest) actionibus, occupationibusque nostris. v.g. Dum ambulamus, repræsentemus quasi Christum cum Cruce ambulantem, dum manus brachiaque expandimus, effingamus Christum in cruce expansa brachia expandentem: dum in lecto sumus, Christum in cruce positum repræsentemus; dum loquimur, Christi verba inter patiendum referamus: dum tacemus, silentio nostro, Christi in Passione silentium veneremur. Par de aliis actionibus ratio.

Quintò. Offeramus Deo omnes dolores, quos aut alii passi in morte sua sunt, aut patientur, aut etiam nos patiemur in morte nostra: respicendo in illis, conjungendoque illos doloribus Christi, quos in Passione, & morte sua pro nobis sustinuit.

Sextò. Coacervemus in nostrum Cor cum omni affectu nostro, omnes fructus, qui ex Passione Christi, & nati sunt, & nascituri: eosque omnes offeramus ipsi Christo, cum singulari quadam complacentia, atque congratulatione ex eis, & quod Christus per suam infinitam sapientiam, eos

3.

4.

5.

6.

eos ex sua amara, & probrofa, pro nobis Passione, cruce, & morte educere scivit.

7.

Septimò. Convertamus cælesti quâdam spiritualique alchimiâ omnes nostros, & omnium reliquarum creaturarum dolores, compatisones, tristesque affectus, & sensus, qualitercumque habitos, & toleratos, in affectum quâm maximæ compassionis pro Passione, & super Passionem Christi.

8.

Octavò. Omnes item dolores, afflictionesque nostras, acceptemus à Deo, & sustineamus cum omni modestia, & hilaritate, propter amorem JESU passi, ejusque Passionis pro nobis; optando ut omnes creaturæ id ipsum faciant, atque etiam earum hac in parte vicem quantum ex nobis supplendo, Deumque in omnibus omnium afflictionibus laudando, omnes pro eis perferendo, atque Christi passionibus uniendo, & ut ipse illa, uniat desiderando, atque rogando.

9.

Nonò. Si quando in aliquam imperfectiōnem defectumq; labimur, subitò pro illo lapsu nostro offeramus Deo totum illud, quo d. innocentissimus Agnus Dei pro nostris peccatis pertulit. Et quantò erunt majores lapsus nostri, tantò diligenterius pro omnibus illis intendamus, consuescamusque, tam Patri Æterno, quâm ipsius Domini JESU cordi, offerre Passionem Christi, & quidem pro ejusdem corde.

10.

Decimò. Oremus Amabilissimum Redemptorem nostrum, ut sibimet ipsi offerat pro nobis totum id, quod passus est pro nobis. Itemque oremus, & Sanctos omnes, ut offerant pro nobis Passionem Christi, ipsimet Christo.

11.

Undecimò. Supplicemus Pretiosissimæ Dei Matri

Matri Virgini MARIAE, ut totum hoc, quod in Passione Filii sui perpeſſa ipsa est, offerat eidem Filio pro nobis paſſo. Vicifim verò offeramus, & præſentemus Christo, MARIAE Matris Filio, id totum, quod illa cum ipſo, & pro ipſo paſſa est, quodque ipſe cum Matre, & in Matre ſua MARIA perpeſſus eſt, & denique etiam ipſi Matri hoc offe-ramus, quod Filius ejus in ipſa perpeſſus eſt.

Duodecimò. Demus operam, ut non ſit ul- lum verbum, non ſpiramentum, non cogitatio, non actio, non paſſio, ſeu mutatio ulla in nobis, velà nobis, cui inſerere non intendamus, ſupra dictos actus, in infinitum multiplicatos, & ſecun-dum quod Deus ſcit, aut potest facere, fierique multiplicatos; adjungendo extensioni, & numero actionum, intensionem quoque majorem, ac majorem, perfectioremque ſemper.

Supradicti Actus, etſi melius affectibus Cor-dis, quam vocibus oris exercebuntur, poterunt tamen etiam hiſcē ſequentibus, vel aliis hiſ ſimi-libus verbis exprimi, & exerceri.

Benedictus ſis ô Pater Æterne, & ſit benedi-cta infinita charitas tua, quæ te impulit, ut unige-nitum Filium tuum dares ad assumendam noſtram mortalitatem, in qua pati & mori pro nobis poſ-ſet. Benedico te, & in omnem æternitatem be-nedicere volo, pro eo, quod ſicut Filium tuum ab æterno ex tua ſubſtantia genuiſti; ita etiam eun-dem ab æterno ardenter voluiſti naſci ad patien-dum pro nobis. Atque utinam prævaleam adeò gratus eſſe Majestati tuæ pro hoc beneficio, quam magnus eſt Amor ipſe tuus, quem in ipſo iſto be-neſcio demonſtrasti nobis.

Nunquam volo permettere mihi met, ut ex memo-

12.

I.

2.

memoria mea deleatur recordatio beneficii hujus
Domini mei JEsu Christi , quod præstítit mihi pa-
tiendo pro me , ac si prorsus mei solius causâ pati
venisset aut passus esset.

3. Volo etiam ex nunc ad te Dominum meum
dirigi omnes operationes meas, omniumque alia-
rum creaturarum , omnes cogitationes , locu-
tiones, respectus, intentionesque , immersas, & ab-
sorptas, & appretiatas, in sanguine atque Paſſione
JESU Christi , cùm omnibus actibus gratiarum
actionis, & compassionis, & devotionis, tuæ Ma-
jestati unquam exhibitis, à quoque servorum
tuorum , in unione Paſſionis ejusdem Domini
noſtri, filii autem tui, JEſu Christi.

4. O Domine JEſu Christe , nunquid ego tanta
pati possum pro Te , quanta Tu passus es pro me?
Non equidem possum , attamen in compensatio-
nem qualem qualem hujus impotentiæ meæ, of-
fero tibi totaliter, quidquid passus unquam sum,
quidquid adhuc patiar, quidquid passi sunt homi-
nes universi , atque adhuc aliquando patientur,
quacunque de cauſa , & quoque motivo.
Quod totum volo , & intendo , ut fiat propter
amorem tuum, & propter amorem totius Paſſio-
nis tuæ pro nobis.

5. Æterne Deus , & Pater Domini Noſtri JEſu
Christi , omnes defectus, omniaque delicta, &
mea , & omnium creaturarum tuarum, quoque
unquam comisimus displicita tuæ sanctissi-
mæ voluntati: nunc quidem ego , quantum in
me est, agnosco , confiteor , & retracto , coram
Te , simul autem Bonitati tuæ offero totum id,
quod Dominus noſter JEſus Christus Filius tuus
passus est, pro omnibus delictis nostris , simulque

obla-

oblationi huic meæ, adjungo illam ipsam oblationem, quâ tibi Æterno suo Patri, Dominus JESUS obtulit suam omnem pro nobis Passionem.

Desidero, statuo, & intendo, omnibus & singulis actionibus meis repræsentare, ac etiam quantum mihi fas fuerit, exercere totam Christi Passionem, omnesque Passionis partes ac modos, & actiones. Sic volo, ambulationibus meis, dolorosas Christi per suam Passionem, ad usque Crucifixionis suæ locum ambulationes referre, illasque his associare, & hoc ipsum quod sensit in suis JESUS, ego quoque in meis propter ejus amorem sentire. Sic etiam volo omnibus verbis ac sermonibus meis venerari omnes Domini mei inter patiendum pro me, locutiones. Pariter, silentium omne meum, admirando illi silentio Domini mei conjungere, eodemque il lud exornare volo. Omnen quoque cibum & potum meum, quem aliquando propter obsequium tuum divinum sumam, intingere volo in felle, myrra, aceto, totaque calicis amaritudine, quem Dominus meus JESUS Christus in sua Passione bibit & ebbit. Vestitum meum con jungo, Domini mei, partim spoliationi & nuditati, partim candidæ Herodianæ vesti, partim illusoriarum purpuræ, quâ illusus est pro nobis, &c. Denique somnum meum, & lectum, associo duro Crucis Christi lecto, mortisque somno, quem in Cruce obdormivit pro me. Ad extreum, protestor me intendere, proponereque omnem sive corporis, sive animi actionem, atque Passionem meam, quin & quantum in me est, omnis creaturæ, in conjunctione, respectu, & honore, atque veneratione amarissimæ simul que

6.

D
G
C
R
O
M
V
8

que pretiosissimæ Passionis ac Mortis Domini Nostri JESU Christi peragere.

7. Recipe etiam Pater æterne, de manibus meis totum id, quod pretiosissima Filii tui, Dei Dominique nostri Genitrix, in Passione Filii sui, Tuique, perpetua est. Recipe inquam, sed potius de manibus illius ejusdem Matris illud ejus sacrificium, quod illa Mater omnis pietatis, fecit, & obtulit cordi tuo Divino pro nobis, tam ex ipsa, quam ex Filio suo, eodemque Tuo, ac Redemptore nostro.

8. Congrego in unum, atque comprehendo toto cordis mei affectu, omnes effectus fructus que Passionis Domini Nostri JESU Christi, præteritos, præsentes, ac futuros, in omni tempore, ac tota deinceps æternitate: eosque omnes quanti quanti sunt, Tu, ô Pater Æterne, Majestati offero, & in hac oblatione permanere volo, omnibus, & singulis momentis vita meæ, ipsam istam permanendi in hac oblatione voluntatem in ea comprehendo, atque ut sit quasi unus ex Passionis Christi JESU fructibus intendendo, ut tanto acceptior sit tuæ Divinæ voluntati, Majestati, voluptati.

9. Quâlibet respiratione & aspiratione, totius vita meæ, offerre intendo, & re ipsâ actualiter offero, vitam omnem meam, actionemque omnem vitæ totius meæ, tuæ pro me in ligno Crucis exspirationi, & per punctum illud instansque mortis meæ, quo actualiter moriar, propono, & intendo, pro Te Domino meo mori, ut hac ratione morte meâ corrispondeam aliquantula ex parte Morti tuæ, instantique mortis tuæ, quo tu omnis vita author in Cruce exspirasti pro me:

Atque
possu
talis,
tem.

A
nunc
de seip
dem I
cum si
itemq
MARI

tura E
toto ill
tantoc
ipse pl
U

quantu
fus: si
do pro
no, &c

SExa

ne
quem
scribit
vir unu
Attrit
dine vi
intellig
median
sapient
librum.

K.P.

Atque ad hanc ipsam intentionem, quantum possum, dirigo omnem quoque, omnis mortalis, & mortuæ, morituræ creaturæ mortem.

Accepta, ô Æterne Deus, pro tributo à me nunc tibi exhibito, oblationem illam, quam tibi de seipso fecit pro me JESUS, quamque de eodem Domino JESU Filio suo, simulque tuo, tum simul & de se ipso fecit Mater Domini JESU, itemque illam, quam & ipse JESUS, & ejus Mater MARIA ficerunt Tibi pro me, & pro omni creatura. Et insuper intendo per omnia esse totus tuus, toto illo modo, quo tuum esse Filius tuus fecit, tantoque me ad hoc amplius obligavit, quanto ipse plus pro me pertulit.

Usque huc Novarini modus atque sensus quantum per me licuit ex ejus Italico expressus: sitque hoc interim satis, de tributo solvendo pro Christi Domini Passione, Deo Patri Æterno, &c. &c.

MODUS LXIV.

Exagesimus quartus Modus meditandi Passio-
nem Domini nostri, esse potest, ejusmodi,
quem adumbratum legimus in Esdra de quo
scribitur. (*Congregatusque est omnis populus quasi vir unus ad plateam, que est ante portam aquarum.*
Atulit ergo Esdras Sacerdos legem coram multitudine virorum & mulierum, cunctisque qui poterant intelligere. Et legit in eo aperte, de mane usque ad medianam diem in conspectu virorum & mulierum, & sapientium: *& aures omnis populi erant erectæ ad fibrum.* Stetit autem Esdras scriba super gradum
K. P. Druzb. Op. VIII. C. ligneum